

SCRIPT OF MORNING GOJRI NEWS BULLETIN 26MAY 2025 1015HRS

ما رننگ گو جری نیو ز بلیٹن مو رخہ 26 مئی 2025

یوہ آکا شوانی جموں ہے عبدالرحمان تیں خبر سُنو۔

LG JAAT SABHA

لیفٹیننٹ گورنر منوج سنہا نے کہیو ہے جے پاکستان نانہہ خبردار کیو جے کہ اگر اُس نے مستقبل مانہہ کسے وی غلب مہمجانئ غی کوشش کی تاں مہاری مسلح افواج اس دہشت گرد ریاست نانہہ تباہ کرنمانہہ کوئی کسر نہیں چھوڑ یگی اُنہانے مسلح افواج غ اجزبہ تے بہادری نانہہ اُجاگر کیو تے حکومت غ اس عزم نانہہ دہرایو جے جموں کشمیر نانہہ مکمل طور ور دہشت گردی تیں پاککیو جے گو یاہ گل لیفٹیننٹ گورنر موصوف نے جموں مانہہ گل جموں کشمیر جاٹ سبھا سنگ خطاب کرتا واں کہی لیفٹیننٹ گورنر نے بہادر جات برادری تے معاشرہ غا تمام طبقات تیں اپیل کی جے وے اپنا عزم نانہہ مضبوط کریں تے اتحاد غے سنگ اُن قوتاں غے خلاف کھڑہ ویں جہیری مہارہ امن تے سماجی ٹہانچہ نانہہ خطرو دے رہی ہیں۔

MOS SATWARI VISIT

مرکزی وزیر مملکت ڈاکٹر جتندر سنگھ نے جموں گا مفاہات مانہہ واقع ملٹری ہسپتال ستواری غا اپنا دورہ غے دوران اُن فوجیاں سنگملاقات کی ہے جہیڑا حال ہی مانہہ بین العقوامی سرحد تے کنٹرول لائنور کاروائی غے دوران زخمی ہوا تھا۔ اُنہاں نے ان فوجی جواناں غا غیر متزلزل حوصلہ تے جذبہ غی تعریف کی تے کہی جے قوم اُن غی مقروض ہے ڈاکٹر جتندر سنگھ نے ہسپتال غی طبی ٹیم جس غی قیادت برگیڈیر ڈاکٹر فیاض احمد کر رہیا تھا غی بروقت مداخلت فوری فیصلہ سازی تے درست علاج معالجہ غی تعریف کی۔

CDS UDH VISIT

دفاعی عملہ غا سربراہ جنرل انیل چوبان نے کل ادھمپور مانہہ بھارتیہ فوج غی شمالی کمانڈ غو دورو کیو جت اُنہاں نانہہ اپریشن سندور غیکامیابی غابارہ مانہہ دسیو گیوجس غو مقصد دہشت گرد نیٹ ورک غا خاتمو تے شہریاں و فوجی اثاثہ غو تحفظ تھو اُنہاں نے سرحدی شہریاں غی بحالی غی کوششاں تے جاری اپریشنل تیاریاں غو وی جائیزو لیو۔ شمالی فوجی کمانڈر نے سرحدان غا تحفظ بارے اپریشنل تے فوجی نقل و حمل غی تیاریاں غے متعلق تازہ جانکاری دتی۔ تے جموں کشمیر مانہہ دہشت گردی غا خاتمہ واسطے مکمل کوششاں غا عزم گو اظہار کیو دفاعی عملہ غا

سربراہ مشکل حالات مانہہ کماں غی ہم آہنگی تے تیز رفتار تکمیل غی تعریف کی۔ انہاں نے مغربی کمانڈ چنڈی مندر ملٹری سٹیشن ہریانہ غو وی دورو کیو۔

TIRANGA RALLY

اوپریشن سندر غی کامیابی غو جشن مناتاں واں جموں غا بٹھنڈی علاقہ مانہہ اک بڑی ترنگا ریلی کڈی گئی۔ اس پروگرام مانہہ مسلح دستاں واسطے تگڑی حمایت غو مظاہرو کیو گیو۔ ریلی مانہہ زندگی غا تمام شعباں تیں لوکاں نے پُر جوش طریقہ نال حصو لیا۔ ایک ہور ترنگا ریلی بلاک دھربشالا تے گنتواڑہ کشتواڑ مانہہ وی کڈی گئی تانجے بھارتیہ مسلح افواج سنگ یکجہی تے احترام غو اظہار کیو جاسکے۔ جہیزو کہ اپریشن سندور غی کامیابی تیں بعد کی وگیو ایم ایل اے شگوب پریہار اس یاترہ مانہہ شریک ہوئیں۔

CHERRY CARDO TRAIN

جموں ریلوے ڈویزن نے جموں کشمیر تیں باہر جلد خراب ہونالی شیاہ غی نقل و حمل واسطے پہلی بار ایک منفرد قدم غے طور ور اشیاء غی ترسیل واسطے مکمل پارسل وین مختص کرن غی درخواست یعنی وی پی انڈنٹ حاصل کیو ہے جہیزو کٹڑہ ریلوے سٹیشن تیں باندہ ممبئی واسطے ترے جون نانہہ روانہ وے گی۔ یوہ قدم باغبانی محکمہ تے پھلاں غا کاشتکاراں غی مشاورت غے سنگ کیو گیو ہے جس گو مقصد سڑک ور ٹریفک مانہہ کمی لیانو تے تازہ پیداوار جس طرح کہ چیری کہٹ نقصان غے سنگ تیزی نال منڈیاں توڑی پُجانو ہے یاہ کارگو مال گڈی غے زریعے 30 گھنٹاں مانہہ ممبئی پُجے گی سنئیر ڈویزنل کمشنر منیجر اُچت سنگھ نے اس قدم نانہہ ریلوے کاشتکاراں تے جموں کشمیر غی معشیت واسطے ایک باہمی فائدو قرار دتو ہے۔

KHELO INDIA BEACH GAMES

جموں کشمیر نے کھیلو انڈیا بیچ کھیڈ 2025 مانہہ شاندار کارکردگی غو مظاہرو کیو جت اس نے گُل 9 تمغہ حاصل کیا 5 سونا گا 1 چاندی غو تے 3 کانسہ غا تے 30 ریاستاں تے یوٹی مانہہ چوتھو مرتتو حاصل کیو مرداں گا بنچک سیلٹ مانہہ جموں کشمیر نے سب تیں اچھی کارکردگی دسی تے مجموعی چیمپین رہیا تے خواتین گا مقابلہ مانہہ تیکجو مرتتو حاصل کیو۔ مرکزی کھیڈاں غا وزیر ڈاکٹر مانسکھ مانڈویا نے جموں کشمیر غا کھیڈاریاں نانہہ اُن غی محنت تے کھیڈ گا جزیہ ور مبارک باد دتی۔

JKRCEEA PRESS RELEASE

جموں کشمیر گجر بکروال یوتھ ویلفیر کانفرنس نے جموں کشمیر ایکٹریکل انجنئیر ایسوسی ایشن غی اس مانگ غی حمایت کی ہے جے ملازمین غی ترقیاں مانہہ تخصصاں نانہہ بحال کی وجے اپنا ایک بیان مانہہ اس کانفرنس تے ایسوسی ایشن نے مانگ کی ہے جے جموں کشمیر مانہہ ملازماں غی ترقیاں مانہہ ریزرویشن نانہہ فوری بہال کیوجے جس غے بارے عدالت عالیہ ہائی کورٹ نے سینٹرل انتظامیہ ٹرائینول سی اے ٹی غا امکانات وی ہیں۔ بیان مانہہ کہیو گیو ہے جے جموں کشمیر حکومت درجہ فہرست طبقات سنگ تعلق رکھن آلا ملازمین غی یاہ قانونی مانگ فوری پوری کرتاں واں ملازماں غی ترقیاں مانہہ ریزرویشن نانہہ فوری طور ور لاگو کیو جے۔

ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی

سی غوپینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن

آلا ایسا امیدوار درخواست دے سکیں گا جہڑا ضلع کٹھوعہ گا بسنیک ویں تے اُن غی عمر غی حد 24 براں تیں

براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا 50 صحافت غا شعبہ

مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربہ مقرر کیو گیو ہے۔

اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربہ وی

ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر

کٹھوعہ یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی بارڈ کاپی

ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئیندہ

ور www.newsonair.gov.in جون توڑی دے سکیں۔ اس بارے مزید جانکاری ویب سائٹ 15 دستیاب ہے۔
